

MB: Luas pastikan air bersih, selamat diguna

SelangorKini.my

21 Oktober 2020

by Nur Aishah Mohd Amin

SHAH ALAM, 21 OKT: Lembaga Urus Air Selangor (Luas) melaksanakan tiga langkah bagi merawat pencemaran bau Sungai Selangor, kata Dato' Menteri Besar.

Langkah tersebut katanya bagi memastikan air yang disalur semula ke premis perniagaan dan rumah benar-benar selamat digunakan.

“Luas melaksanakan operasi pengepaman air kolam (Opak) Bestari Jaya sehingga 336 juta liter sehari dan melepaskan air empangan sungai tinggi serta Sungai Selangor sehingga 1200 JLH selain menaikkan satu pagar sungai (river gate) di Baraj Bestari Jaya.

“Agensi berkenaan turut melaksanakan proses nyahbau di kolam tebatan banjir JPS Sungai Gong,” kata Dato' Seri Amirudin Shari di Facebook.

Loji Rawatan Air Sungai Selangor Fasa 1, 2 dan 3 serta Rantau Panjang terpaksa dihenti tugas berikutan pencemaran sumber air mentah dikesan di Sungai Selangor awal pagi semalam.

Susulan itu 1.2 juta akaun pengguna meliputi wilayah Kuala Lumpur, Petaling, Klang/Shah Alam, Kuala Selangor, Hulu Selangor, Gombak dan Kuala Langat mengalami gangguan bekalan air tidak berjadual.

Bagaimanapun setakat jam 6 pagi ini 1,077 atau 83 peratus dari 1,292 kawasan terjejas menerima bekalan air sepenuhnya.

© Copyright 2020 - Developed for the People of Selangor

Source: <https://selangorkini.my/2020/10/mb-luas-pastikan-air-bersih-selamat-diguna/>